

**<<ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ>> ՀԻՄՆԱԴՐԱՄԻ
ԻԶԵՎԱՆԻ ՄԱՍՆԱՃՅՈՒՂԻ ԱՐՏԱՔԻՆ ԿԱՊԵՐԻ ԲԱԺՆԻ
2019-2020 ԹԹ. ՈՒՍՈՒՄՆԱԿԱՆ ՏԱՐՎԱ ՀԱՇՎԵՏՎՈՒԹՅՈՒՆ
(01.09.2019-06.06.2020)**

Երևանի պետական համալսարանի Իջևանի մասնաճյուղի Արտաքին կապերի բաժինը՝ այսուհետ՝ ԱԿԲ, կառուցվածքային փոփոխության արդյունքում ստեղծվել է 2019թ. փետրվարի մեկին:

ԱԿԲ-ի հիմնական նպատակն է ապահովել մասնաճյուղի համագործակցությունը այլ ուսումնական հաստատությունների, պետական և ոչ պետական կառույցների և կազմակերպությունների հետ, ինչպես ՀՀ-ում, այնպես էլ արտասահմանում՝ կրթական, հետազոտական, հասարակական ու մշակութային գործունեության ոլորտներում:

ԱԿԲ-ի գործունեությունն իրականացվում է համաձայն 2016-2020 ռազմավարական ծրագրի, մասնաճյուղի կանոնադրության և ԱԿԲ-ի կանոնադրության: Բաժնի աշխատակիցների գործառույթները սահմանված են համապատասխան պաշտոնի անձնագրերում:

1. Դասընթացներ և հանդիպումներ

2019 թվականի օգոստոսից 26-ից մինչև 2020 թվականի հունիսի 6-ը շրջանավարտների և արտաքին շահակիցների հետ տարվող աշխատանքների ընթացքում իրականացվել է **19 դասընթացներ և հանդիպումներ**:

1. Ս/Թ օգոստոսի 27 **OXYGEN** հիմնադրամի և **Save the children կազմակերպության** կողմից իրականացվել է բաց քննարկում «Համընդհանուր հմտությունները՝ որպես շուկայում երիտասարդների մրցունակ լինելու գրավական» թեմայով, որի ընթացքում կազմակերպիչները նաև ներկայացրել են իրենց կողմից երիտասարդների շրջանում իրականացված հարցումների ամփոփումը:
2. Հոկտեմբերի 2-ին հանդիպում <<Մաշտոց>> հիմնադրամի ֆինանսավորվողների և Տավուշի թեմի առաջնորդ Բագրատ Եպիսկոպոս

Գալստանյանի հետ: Հանդիպմանը մասնակցել են ուսխորհրդի և գիտական ընկերության ուսանողները, ինչպես նաև ֆինանսավորված 25 ուսանողները: Ֆինանսավորման արդյունքում յուրաքանչյուր մասնակցի տրամադրվում է 100 հզարական դրամ ուսման վարձի փոխհատուցման նպատակով:

3. Հոկտեմբերի 8-ին պայմանավորվածություն է ձեռք բերվել **«Կոկա-Կոլա Հելլենիկ Արմենիա» ընկերությունը «Մենեջմենթ Միքս» ընկերության** հետ «ԿՅԱՆՔԻ» և «ԲԻԶՆԵՍ» հմտություններ թեմաներով դասընթացներ անցկացնելու նպատակով:
4. Հոկտեմբերի 11-ին ԵՊՀ ԻՄ-ից տասնյակ ուսանողներ մասնակցություն են ունեցել Տավուշի մարզի Տարածքային զբաղվածության կենտրոնի կողմից կազմակերպված սոցիալական քննարկմանը:
5. Հոկտեմբերի 18-ին նախօրոք ընտրված թիրախային խմբով մասնակցություն **«Օբսեջեն»** կազմակերպության կողմից կազմակերպված հանդիպում մարզպետարանում: Հանդիպման նպատակն էր վեր հանել համայնքների խնդիրները:
6. Հոկտեմբերից 24-ից մասնաճյուղում մեկնարկվել է Տավուշի թեմի կողմից իրականացվող **ՄԱՆԱՆԱ** ծրագիրը: Ծրագրի շրջանակներում կազմակերպվել են ամենշաբաթյա հանդիպումներ հոգևորականների հետ, արդիական խնդիրների քննարկում, հարց ու պատասխան: Կազմակերպվել են նաև ուխտագնացություններ: Ծրագրի նպատակն է ստեղծել միջավայր, որտեղ երիտասարդները հնարավորություն կունենան ծանոթանալ Հայ Առաքելական Սուրբ Եկեղեցու դավանանքին և ավանդույթներին, ինչպես նաև արդիական հարցերի վերաբերյալ արտահայտելու սեփական կարծիքը:
7. Հոկտեմբերի 24-ին կազմակերպվեց հանդիպում **հաջողակ շրջանավարտների հետ**, հանդիպումը նվիրված էր մասնաճյուղի 25-ամյակին: Հանդիպմանը ներկա էին 4 հաջողակ շրջանավարտներ՝ Արարատ բանկի կառավարիչ Թազվոր Մանթաշյանը, Յունիբանկի կառավարիչ Զուլիետա Ճաղարյանը, Իջևանի ՍՕՍ մանկական գյուղերի

տնօրեն Գևորգ Թադևոսյանը և Ազատամուտի համայնքապետ Վահագն Ալավերդյանը: Հանդիպումը ուներ հատուկ մշակված օրակարգ, յուրաքանչյուր շրջանավարտ խոսեց իր դժվարությունների և հաջողությունների մասին, նրանք խորհուրդներ տվեցին ուսանողներին և կիսվեցին իրենց փորձով:

8. Հոկտեմբերի 25-ից իրականացվել է **«Հակամարտությունների փոխակերպում»** թեմայով հնգօրյա դասընթաց: Դասընթացների նպատակն էր մասնակիցներին ներկայացնել «Հակամարտությունների փոխակերպում» ձեռնարկի 5 թեմաները և երիտասարդների հետ քննարկել, թե ի՞նչ է կոնֆլիկտը, ի՞նչ է կոնֆլիկտի փոխակերպումը, ինչպե՞ս վերլուծել կոնֆլիկտը, ինչպես նաև ներկայացվեց կոնֆլիկտի դերակատարների և կոնֆլիկտի վերլուծության մեթոդների մասին:
9. Հոկտեմբերի 28-ին մարզպետարանում տեղի է ունեցել հանրային քննարկում, որին մասնակցել են 6 ուսանող:
10. Հոկտեմբերի 30-ին Նոյեմբերյանում իրականացվել է **«Հակամարտությունների փոխակերպում»** թեմայով դասընթաց տեղի աշակերտների համար: Դասընթացների նպատակն էր մասնակիցներին ներկայացնել, թե ի՞նչ է կոնֆլիկտը, ի՞նչ է կոնֆլիկտի փոխակերպումը, ինչպե՞ս վերլուծել կոնֆլիկտը, ինչպես նաև ներկայացվեց կոնֆլիկտի դերակատարների և կոնֆլիկտի վերլուծության մեթոդների մասին:
11. Նոյեմբերի 4-ին Քաղաքացիական երիտասարդական կենտրոնում տեղի ունեցավ հանդիպում ուսանողների հետ, հանդիպման նպատակն էր ներկայացնել Քաղրագրողների եռօրյա դասընթացի ծրագիրը և ծրագրի արդյունքում դրամաշնորհի կատարումը (500\$):
12. Նոյեմբերի 13-ին Եվրասիա համագործակցության հիմնադրամի կողմից եռօրյա դասընթացի հրավեր Գյումրիում, դասընթացին մասնակցել են առաջին կուրսի «Մանկավարժություն և հոգեբանություն» մասնագիտության ուսանողները:
13. Նոյեմբերի 19-ին հանդիպում նորաբաժ Trans.up կազմակերպության ղեկավարների հետ:

14. Դեկտեմբերի 6-8-ը Քաղաքացիական երիտասարդական կենտրոնում իրականացվել է եռօրյա դասընթաց: Թիրախային խումբ հանդիսացել է քաղլրագրությամբ հետաքրքրվող ուսանողները (ծրագրի վերջում կլինի դրամաշնորհ գրելու հնարավորություն):
15. Դեկտեմբերի 19-ին մասնաճյուղում տեղի է ունեցել Կլոր սեղան հիմնադրամի կողմից իրականացվող մեդիա ծրագրի անդամների հետ հանդիպում: Ծրագրի անդամները ստացան նվեր՝ կրիչներ: Մեդիա խմբի անդամները նաև հանդես եկան իրենց առաջարկներով:
16. Փետրվարի 4-ին Տավուշի թեմում իրականացվել է հանդիպում Կլոր սեղան հիմնադրամի համակարգողների հետ: Հանդիպման նպատակն էր ամփոփել 1 տարվա ընթացքում իրականացրած բոլոր ծրագրերը, որոնք ֆինանսավորել է հիմնադրամը:
17. Մարտի 12-ին տեղի է ունեցել հանդիպումներ «Տարրական մանկավարժություն և մեթոդիկա», «Պատմություն», «Ինֆորմատիկա և կիրառական մաթեմատիկա» և «Հայոց լեզու և գրականություն» մասնագիտությունների 4-րդ կուրսի ուսանողների հետ: Հանդիպման նպատակն էր՝ ուսանողներին ներկայացնել շրջանավարտների հետ տարվող աշխատանքները և ինչով կարող ենք մենք օգտակար լինել շրջանավարտներին:
18. Ապրիլի 28-ից մայիսի 5-ը արտակարգ իրավիճակից ելնելով Կլոր սեղան հիմնադրամի կողմից իրականացվել է հնգօրյա դասընթաց «Հակամարտությունների փոխակերպում» թեմայով: Դասընթացը անց է կացվել այնպիսի ֆորմատով որպեսզի չտուժի դասընթացի արդյունավետությունը: Հեռավար դասընթացի նպատակն էր դասընթացի մասնակիցներին ներկայացնել «Հակամարտությունների փոխակերպում» ձեռնարկի 5 թեմաները և երիտասարդների հետ քննարկել, թե ի՞նչ է կոնֆլիկտը, ի՞նչ է կոնֆլիկտի փոխակերպումը, ինչպե՞ս վերլուծել կոնֆլիկտը, ինչպես նաև ներկայացվեց կոնֆլիկտի դերակատարների և կոնֆլիկտի վերլուծության մեթոդների մասին: Դասընթացի համար նախատեսված դրամաշնորհները հատկացվել են սոցիալապես անապահով

ընտանիքներին սնունդ ապահովելու նպատակով (աջակցության աշխատանքներին մասնակցություն ունեցել են նաև բաժնի աշխատակիցները և ուսանողները):

19. Հունիսի 5-ին առցանց հանդիպում «Կանաչ արահետ» ՀԿ-ի համակարգողների հետ: Հանդիպման նպատակն էր ծանոթանալ ծրագրի ազգային համակարգողների հետ և ստանալ ինֆորմացիա դրամաշնորհ նախաձեռնելու վերաբերյալ:

2. Միջոցառումներ և այցելություններ

2019թ. սեպտեմբերի 2-ին բաժնի կողմից կազմակերպվել է Գիտելիքի և դպրության օրվան նվիրված տոնական միջոցառում: 2019թ. նոյեմբերի 2-ին մարզպետարանում կայացավ ԵՊՀ Իջևանի մասնաճյուղի 25-ամյակին նվիրված հոբելյանական միջոցառումը: Միջոցառման կազմակերպչական ընթացքը իրականացվել է Արտաքին կապերի բաժնի կողմից: Միջոցառումը չնայած չնախատեսված տեխնիկական փոքր խնդիրների անցավ բավականին բարձր մակարդակով:

2019թ. սեպտեմբերի 25-ին ԵՀԽ հայաստանյան Կլոր սեղան հիմնադրամի հետ համագործակցությամբ ԵՊՀ ԻՄ-ի ուսանողները Արտաքին կապերի բաժնի աշխատակից, շրջանավարտների և արտաքին շահակիցների հետ տարվող աշխատանքների համակարգող **Էրինե Ղարայանի** ուղեկցությամբ 14 ուսանողներ այցելեցին Շիրակի պետական համալսարան: Այցելության նպատակն էր Շիրակի պետական համալսարանում մասնակցել «Ներառական կրթություն» խորագրով սեմինարին, որը կազմակերպել էին «Հակամարտությունների փոխակերպում» ոչ ֆորմալ կրթական դասընթացի մասնակիցները և ՀԱԵ Շիրակի թեմի սոցիալ-կրթական կենտրոնի աշխատակիցները:

Նոյեմբերի 5-ին «Հեռանկարներ և նոր հնարավորություններ. ԵՊՀ Իջևանի մասնաճյուղի ուսանողները Մայր բուհում» ծրագրի շրջանակներում ԵՊՀ ԻՄ-ի արտաքին կապերի բաժնի վարիչ՝ **Արման Եզանյանը**, շրջանավարտների և արտաքին շահակիցների հետ տարվող աշխատանքների համակարգող՝ **Էրինե Ղարայանը**, մարքեթինգային աշխատանքների համակարգող՝ **Արմինե Մելքումյանը** և 20

ուսանողներ հյուրընկալվեցին Մայր բուհում: Ծրագրի հիմնական նպատակն է նպաստել ՀՀ աշխատաշուկայում ուսանողների մրցակցության բարձրացմանը և ընդհանրապես խորացնել Մայր բուհի ու մասնաճյուղի միջև համագործակցությունը: Ուսանողների համար կազմակերպվեց շրջայց ԵՊՀ-ում և «Ինչպես կազմել CV և ներկայանալ հարցազրույցի» թեմայով դասընթաց:

3. Իրականացված դրամաշնորհներ ծրագրեր

2019թ. սեպտեմբերի 27-ին ԵՀԽ հայաստանյան Կլոր սեղան հիմնադրամի «Ձայն խաղաղությանը» ծրագրի շրջանակներում ԵՊՀ ԻՄ-ի արտաքին կապերի բաժնի կողմից, շրջանավարտների և արտաքին շահակիցների հետ տարվող աշխատանքների համակարգող **Էրինե Ղարայանը** սահմանամերձ Պառավաքարում իրականացրեց «**Պարզևիր ժպիտ երեխաներին**» խորագրով փոքր դրամաշնորհային ծրագիր, որի նպատակն էր մասնաճյուղ սահմանամերձ համայնք կապի ամրապնդումը:

2019 թվականի դեկտեմբերի 11-ին Տավուշի մարզի Աչաջուր գյուղի մշակույթի տան գրադարանում իրականացվեց «Նոր գրադարան, նոր գրքեր» ծրագիրը: Այն իրականացվել է ԵՊՀ Իջևանի մասնաճյուղում՝ ԵՀԽ հայաստանյան Կլոր սեղան հիմնադրամի «Ձայն խաղաղությանը» ծրագրի շրջանակում անցկացվող «Հակամարտությունների փոխակերպում» ոչ ֆորմալ կրթական դասընթացի դասընթացավար **Էրինե Ղարայանի** նախաձեռնությամբ:

2019 թվականի նոյեմբեր-դեկտեմբեր ամիսների ընթացքում Իջևանի քաղաքապետարանի՝ քաղաքապետ Հ. Ղալումյան, ԵՊՀ ԻՄ արտաքին կապերի բաժնի և ԵՊՀ ԻՄ «Քարտեզագրություն և կադաստրային գործ» մասնագիտության 4-րդ կուրսի ուսանողների՝ ղեկավար Էդգար Սարգսյան, համագործակցությամբ իրականացվել է «Իջևան համայնքի մունիցիպալ կառավարման տեղեկատվական համակարգը ԱՏՀ հիմքով» ծրագիրը: Ծրագրի նպատակն էր կառուցել Իջևան քաղաքի թեմատիկ քարտեզը բազմաբնույթ շերտերի համադրմամբ, արտապատկերման ժամանակակից մեթոդով ԱՏՀ միջավայրում, այդ թվում եռաչափ մոդելը: Ծրագիրը

հաջողությամբ իրագործվել է 2019թ. դեկտեմբերին: Այն կրել է պիլոտային բնույթ և պայմանավորվածության համաձայն կլինի շարունակական:

2019թ հուլիսին Հայաստանում Արաբական Միացյալ Էմիրությունների (ԱՄԷ) դեսպանատան և ԵՊՀ ԻՄ ԱԿ բաժնի պայմանավորվածության համաձայն 2019թ. դեկտեմբերին Հայաստանում Արաբական Միացյալ Էմիրությունների (ԱՄԷ) դեսպանատունը կազմակերպել էր ԱՄԷ Ազգային օրվա՝ Էմիրությունների միավորման 48-ամյակի կապակցությամբ մեծ ընդունելություն, որի ժամանակ տեղի էր ունեցել ՀՀ լավագույն ուսանողների պարգևատրման արարողությունը: Պարգևատրվել էին ՀՀ պետական բուհերի 14 ուսանողներ, այդ թվում՝ ԵՊՀ Իջևանի մասնաճյուղի բնական գիտությունների ֆակուլտետի «Ինֆորմատիկա և կիրառական մաթեմատիկա» մասնագիտության 4-րդ կուրսի ուսանող **Գերասիմ Ալավերդյանը**:

2020թ. փետրվարի 3-6-ը կայացավ բարձր տեխնոլոգիաների և հարակից այլ մասնագիտությունների գծով ՀՀ 14 լավագույն ուսանողների այցը Արաբական Միացյալ Էմիրություններ: Այցելության շրջանակներում ուսանողները օթևանեցին ԱՄԷ մայրաքաղաք Աբու Դաբիում, այցելեցին ԱՄԷ լավագույն համալսարաններից մեկը՝ Գիտության և տեխնոլոգիայի Խալիֆա համալսարան (“Khalifa University of Science and Technology”), Շեյխ Զայեդի մզկիթ, մասնակցեցին «Իսլամի դրամները» ցուցահանդեսին, ծանոթացան քաղաքի այլ տեսարժան վայրերին:

4. Թափուր հաստիքներ

2019-2020 ուստարվա ընթացքում ԱԿ բաժնին տրամադրվել է 62 թափուր հաստիքների մասին ինֆորմաիա, որից 43-ը «Արմատ» ինժեներական լաբորատորիայի կողմից՝ կազմակերպությունը զբաղվում է դպրոցներում լաբորատորիաների ստեղծմամբ: Աշխատանքի առաջարկի նպատակով կազմակերպությանը տրամադրվել է 2016, 2017, 2018, 2019 թվականների շրջանավարտների ցանկը և 1-ին և 4-րդ կուրսի ուսանողների տվյալները), մնացած 19-ը հաստիքները եղել են՝ բանկեր, ապահովագրական ընկերություններ, հյուրատներ, գովազդային գործակալություն, Գրանդ Քենդի, հաշվապահական գրասենյակ, «Վեոն Արմենիա» Բերդի մասնաճյուղում, Transup.am

կազմակերպություն, «Թրփանճյան» հիմնադրամ, Յելլ էքստրիմ պարկ, Հադարձնի «Մեդրատուն», Ամերիկյան կենտրոն և այլն: Աշխատանքի է տեղավորվել 23 շրջանավարտ հետևյալ ոլորտներում՝ բանկեր, ապահովագրական ընկերություններ, գովազդային գործակալություններ, ինժեներական լաբորատորիաներ, հաշվապահական գրասենյակ, Գրանդ Քենդի ընկերություն, շինարարական ընկերություններ, խանութ-սրահ և զբոսաշրջային կազմակերպություն:

Արտակարգ իրավիճակի ընթացքում ուսանողների աշխատանքի խնդիրը բաց չի մնացել, քանի որ արտաքին շահակիցների հետ տարվող աշխատանքները համակարգվել են առցանց, փորձելով ապահովել համագործակցության արդյունավետությունը: Շահակիցների հետ առցանց համագործակցության արդյունքում արտակարգ դրության ժամանակահատվածում շրջանավարտներից **երկուսը** անցել են աշխատանքի:

Շրջանավարտների հետ տարվող անհատական խորհրդատվությունները ևս չեն տուժել: Արտակարգ դրության ժամանակահատվածում առցանց տրամադրվել է անհատական խորհրդատվություն հարցազրույցի ճիշտ ներկայանալու կանոնների մասին:

5. Ընթացիկ աշխատանքներ

2019-20 ուստարվա ընթացքում շրջանավարտների տվյալների մշակում և տրամադրում համապատասխան բաժիններին և շահակիցներին՝

1. Օգոստոսի 31-ին առաջին կուրսեցիների տվյալների փոխանցում ուսանողական խորհուրդին,
2. Հումանիտար և տնտեսագիտական ֆակուլտետին է փոխանցվել 2015-2019 թվականների տղա շրջանավարտների ցանկը,
3. Մաշտոց հիմնադրամի կողմից ֆինանսավորման համար դիմորդների դիմումների հավաքագրում և ցանկի մշակում: Հավաքագրվել է թվով 14 ուսանողի փաստաթղթեր, որից ընտրվել է 7-ը, առաջնահերթություն տրվել է սահմանամերձ և անապահով ընտանիքների ուսանողներին,
4. Իջևանում բացվող նախակրթարանի մասին ինֆորմացիա ստանալու նպատակով կատարվել է զանգեր համապատասխան կառույցներին,

5. Կազմվել է Նոյեմբերյանի և Բերդի տարածաշրջանի բոլոր ուսանողների ցանկը (ցանկը կազմվել է տարածաշրջանում թափուր հաստիքների դեպքում արագ կողմնորոշվելու և ինֆորմացիան փոխանցելու նպատակով),
6. Հավաքագրվել է գերազանցությամբ ավարտած շրջանավարտների ցանկը (1995-2019 թթ.-ը կարմիր դիպլոմով ավարտել է 584 շրջանավարտ),
7. Մշակվել է շրջանավարտների ցանկ մագիստրատուրա չավարտածների համար,
8. Մշակվել է որակի բաժնի կողմից պահանջված 2015-2019թթ. շրջանավարտների տվյալները (տվյալները մշակվել են հատուկ ձևաչափով),
9. Թարմացվել է 2015-2019 թթ. շրջանավարտների աշխատանքի և հաջողությունների մասին տվյալները,
10. Նամակներ են ուղարկվել՝ կրթական տարբեր հաստատությունների էլեկտրոնային հասցեներին համագործակցության եզրեր գնտելու նպատակով (արդյունքում կնքվել է հուշագիր Շիրակի պետական համալսարանի հետ),
11. Մագիստրոսական կրթական ծրագրի բացելու նպատակով 550 շրջանավարտների էլեկտրոնային հասցեներին ուղարկվել է հարցում (հարցմանը պատասխանել է 7 շրջանավարտ),
12. Նոյեմբերի 29-ին ուսանողական խորհրդի կողմից կազմակերպված ռեկտորատի շրջանակներում ընտրված ուսանողին ներկայացվել է բաժնում կատարվող աշխատանքները,
13. Հավաքագրվել է տղա ուսանողների անձնական տվյալները. Հեռակա բաժին տնտեսագիտական ֆակուլտետ՝ 156 ուսանող 124-ը ծառայած, հեռակա բաժին բնագիտական ֆակուլտետ՝ 260 ուսանող 187-ը ծառայած, հեռակա բաժին հումանիտար ֆակուլտետ՝ 130 ուսանող 110-ը ծառայած, առկա բաժնում բոլոր ֆակուլտետները միասին սովորում է 132 ուսանող, որից 40 ծառայած է,

14. **2020** թվականի հունվար ամսին կազմվել է եռամսյակային ժամանակացույց, մշակվել է շրջանավարտների հետ հանդիպման օրակարգը,
15. Դասախոսների վերապատրաստմամբ զբաղվող աշխատանքների համակարգողի հետ քննարկվել է, թե ինչ վերապատրաստումների կարիք ունեն դասախոսները,
16. Տնտեսագիտության ամբիոնի վարիչի հետ համատեղ քննարկումների արդյունքում առաջարկներ արվեց հանդիպումներ և դասընթացներ կազմակերպել հետևյալ թեմաներով՝ էկոնոմետրիկա, անգլերենի դասընթացներ, ինչպես նաև հաճախ կազմակերպվեն հանդիպումներ կենտրոնական բանկի աշխատակիցների մասնակցությամբ: Հանդիպումները կնպաստեն պրակտիկ հմտությունների զարգացմանը: Առաջարկվել է նաև կազմակերպել կլոր սեղան քննարկումներ,
17. Մշակվել է տաբել շրջանավարտների անձնական տվյալների համար,
18. Կատարվել է շրջանավարտների գործառույթների հետ կապված վերլուծություն,
19. Կատարվել է բաժնի կողմից հավաքագրված և նախկին արխիվներից փոխանցված ռեզյումեների տեսակավորում (անհրաժեշտության դեպքում ըստ ուղղությունների օգտագործելու նպատակով),
20. Մշակվել է ամբողջական համագործակցողների ցանկ,
21. Փետրվար ամսին կազմվել է հաջորդական հանդիպումների ցանկ, որը արտակարգ դրության պայմաններում հետաձգվել է անորոշ ժամանակով:
22. Կազմվել է շրջանավարտների հարցման վերլուծության համեմատական դիագրամները (2015, 2016, 2017, 2019),
23. Հուլիսի կամուրջ հասարակական կազմակերպության աշխատակցի հետ կազմվել է համագործակցության պլան իրենց սաների համար դասընթացներ կազմակերպելու և փոքր ծրագրեր իրականացնելու նպատակով,
24. Accses էլեկտրոնային շտեմարանում թարմացվել է շրջանավարտների տվյալները,

25. Հավաքագրվել է մագիստրատուրա սովորողների տվյալները, որի նպատակն է ունենալ բազա շրջանավարտների կրթության մասին,
26. Փետրվար ամսին զանգեր են կատարվել 12 շահակիցների թափուր հաստիքների վերաբերյալ հարցում կատարելու նպատակով,
27. Մայիսի 26-ին լրացվել է ընկերություններին ներկայացվող որակական չափորոշիչներում պահանջվող համապատասխան կետերը, որոնք վերաբերում էին Արտաքին կապերի բաժնի գործունեությանը (կետերում նշվել է հուշագրերի մասին, համագործակցությունների, շրջանավարտների աշխատանքի անցնելու տոկոսների մասին),
28. Մայիսի 29-ին 4-րդ չափանիշում լրացվել է շրջանավարտների հետ տարվող աշխատանքներին վերաբերող կետերը,

Հասարակայնության հետ կապերի ապահովում

2019 թ. սեպտեմբերի 1-ից մինչև 2020 թ. Հունիսի 6-ը ԵՊՀ ԻՄ-ի արտաքին կապերի բաժնի՝ հասարակայնության հետ կապերի ապահովման շրջանակներում իրականացվել են պաշտոնի անձնագրով նախատեսված գործառնությանին պարտականությունները, որոնք ներառում են բաժնի աշխատանքային պլանով նախատեսված գրագրության, գործավարության և այլ գործառնությունների ընթացիկ աշխատանքների, բաժնի վարիչի աշխատանքային հանձնարարականների կատարում և այլն:

Հասարակայնության հետ կապերի (PR) ապահովման շրջանակներում տարվել են մի շարք աշխատանքներ, մասնավորապես՝ ԵՊՀ ԻՄ-ի պաշտոնական կայքէջում, ֆեյսբուքյան էջում ու խմբում իրականացվել են տարբեր հրապարակումներ, բովանդակային (ինչպես և կառուցվածքային) փոփոխություններ:


Մասնաճյուղի էլ. կայքը **2019 թ. դեկտեմբեր ամսվա դրությամբ** ուներ **255** էջ, տեղադրված էր **2912** նյութ՝ **1198** հայտարարություն, **1481** նորություն, **106-ը** իրադարձություն, **69** գիտական կոնֆերանս, **90** տնօրենության նիստ, **15185** ֆայլ, որոնցից **10690-ը՝ նկարներ:**


2020 թ. Հունիսի 6 -ի դրությամբ մասնաճյուղի կայքն ունի 256 էջ, տեղադրված է 3007 նյութ, որից 11091 ը՝ նկարներ:

Հաշվետու ժամանակամիջոցում (2019 թ. սեպտեմբեր – 2020 թ. Հունիսի 6) ԵՊՀ ԻՄ-ի պաշտոնական կայքէջի «Ինֆորմացիա» բաժնում տեղադրվել է՝

1. «ԶԼՄ-ները մեր մասին» էջում՝ **35 հոդված ու տեսանյութ,**
2. «Հայտարարություններ» էջում՝ **73 հայտարարություն,**
3. «Նորություններ» էջում՝ **128 նորություն,**
4. «Իրադարձություններ» էջում՝ **2 իրադարձություն,**
5. «Գիտական կոնֆերանսներ, նստաշրջաններ» էջում՝ **3 գիտական կոնֆերանս, նստաշրջան,**
6. «Տնօրենության նիստեր» էջում՝ **8 նիստ,**
7. «Հարց-պատասխան» էջում՝ **6 հարցուպատասխան** (2019 թ. դեկտեմբեր ամսվա դրությամբ ընդհանուր տեղադրվել էր **74 հարցուպատասխան**):

2019 թ. սեպտեմբեր – 2020 թ. հունիս ամիսներին կայքի այցելությունները ներկայացնում են հետևյալ պատկերը.





Հասարակության հետ կապերի ձևավորմանը նպաստող հետադարձ կապի մեխանիզմներից հատկանշական են 2011 թվականից **“Facebook”** սոցիալական ցանցում գործող խումբը (<https://www.facebook.com/groups/studentibysu>, 2019 թ. դեկտեմբերի դրությամբ՝ **2723 անդամ**, 2020 թ. հունիսի 6-ի դրությամբ՝ **2812 անդամ**), ԵՊՀ Իջևանի մասնաճյուղի՝ **“Facebook”** սոցիալական ցանցում գործող էջը (<https://www.facebook.com/ysuib>, 2019 թ. դեկտեմբերի դրությամբ՝ **4179 հետևորդ**, 2020 թ. հունիսի 6-ի դրությամբ՝ **4482 հետևորդ**):

Պաշտոնական կայքէջ

2019թ. սեպտեմբեր-դեկտեմբեր ամիսների ընթացքում ԵՊՀ ԻՄ-ի պաշտոնական կայքէջում ստեղծվել է ամբիոններում աշխատակազմի վերաբերյալ ինֆորմացիայի արխիվ, գլխավոր էջում ստեղծվել է էջեր՝ կրթական ծրագրերի ղեկավարների և կրթական ծրագրերի վերջնարդյունքների վերաբերյալ, դիմորդների համար անհրաժեշտ տեղեկատվություն ապահովելու նպատակով:

Հեռակա ուսուցման կայքէջը միացվել է մասնաճյուղի պաշտոնական կայքէջին: Մասնաճյուղի «կառուցվածք» բաժնում ստեղծվել է նոր էջ՝ պրոֆեսորադասախոսական, վարչական և ուսումնառժանդակ կազմի վերաբերյալ անհրաժեշտ ինֆորմացիայով: Մասնագիտական կրթության որակի ապահովման բաժնի մասում ստեղծվել է ուղեցույցների էջ:

Համակարգվել է «Փաստաթղթեր» բաժնում կանոնադրությունների, կանոնակարգերի և կարգերի էջերը:

Մասնաճյուղի պաշտոնական կայքէջի հաշվետու ժամանակահատվածը ընդգրկում է 2019թ. սեպտեմբեր-դեկտեմբեր ամիսները, քանի որ կառացվածքային փոփոխության արդյունքում Կայքի պատասխանատու հաստիքը կրճատվել է ԱԿ բաժնից և 2020թ. տեղափոխվել Տեղեկատվական համակարգերի սպասարկման և զարգացման բաժին:

Արտաքին կապերի բաժնի կողմից համակարգվում է 2 ֆեյսբուքյան էջեր՝ ԵՊՀ ԻՄ արտաքին կապերի բաժին՝ <https://www.facebook.com/EphlmArtaqinKaper/> և ԵՊՀ ԻՄ շրջանավարտների և արտաքին շահակիցների հետ կապ՝ <https://www.facebook.com/alumniysuib/>:

Արտակարգ դրության ժամանակահատվածում 2020 թվականի մարտի 16-ից մինչև 2020 թվականի հունիսի 6-ը էջերում ավելացվել են հետևորդների քանակը. ԵՊՀ ԻՄ արտաքին կապերի բաժին՝ **464 հետևորդ**, ԵՊՀ ԻՄ շրջանավարտների և արտաքին շահակիցների հետ կապ՝ **680 հետևորդ**: ԵՊՀ ԻՄ արտաքին կապերի բաժին էջում կատարվում է ամենօրյա հրապարկումներ բոլոր միջոցառումների, կրթական դասընթացների, կրթաթոշակների և այլ ուսումնական փոփոխությունների իրազեկման վերաբերյալ: Էջին հաճախ ուղված ուսումնական պրոցեսին վերաբերվող հարցերին, տրվել են սպառիչ պատասխաններ: Էջում տեղադրվել է 20 տեսանյութ: Տեսանյութերը պարունակել են ուսուցողական նյութեր և տարբեր այլ իրադարձություններ:

ԵՊՀ ԻՄ շրջանավարտների և արտաքին շահակիցների հետ կապի էջում տեղադրվել է թափուր հաստիքների և դասընթացների վերաբերյալ տեղեկություններ:

Արտաքին կապերի բաժինը իր գործունեության ընթացքում իրականացրել է հնարավորին աշխատանքները ուսումնական գործընթացի զարգացման և համագործակցությունների ավելացման ուղղությամբ:

Պայմանագրեր, հուշագրեր, ուսանողական կրթաթոշակներ

ԱԿ բաժնի **2019-2020 ուստարվա** կարևորագույն ձեռքբերումից է համագործակցության շրջանակների ընդլայնումը: Վերոնշյալ ժամանակահատվածում հուշագրեր են կնքվել պետական և տեղական

հաստատությունների, ուսումնական հաստատությունների, հիմնադրամների, հասարական կազմակերպությունների և մի շարք այլ շահակիցների հետ:

2019 թվականի օգոստոսի 29-ին պայմանագիր է վերակնքվել **«Հայաստանի մանուկներ» բարեգործական հիմնադրամի** հետ: Հիմնադրամը նոր տեխնոլոգիաների միջոցով իրականացնում է անգլերեն լեզվի տարածում մարզի հեռավոր շրջաններ, որի իրականացման համար համալսարանը տրամադրում է համապատասխան վերազինված տարածք, այդպիսով հանդիսանալով կապող օղակ ԲՈԻՀ- հեռավոր շրջանների երիտասարդության միջև:

2019թ. հոկտեմբերի 14-ին Մասնաճյուղի և Իջևան քաղաքի թիվ 5-րդ հիմնական դպրոցի միջև համագործակցության հուշագիր է ստորագրվել: Հուշագրի նպատակն է համատեղ ուժերով ներգրավել ԵՊՀ ԻՄ դասախոսներին «ԵՄ-ն հանուն երիտասարդության՝ հմտություններ ապագայի համար» տարածաշրջանային ծրագրի շրջանակներում դպրոցում բացված մասնագիտական կողմնորոշման ակումբի աշխատանքներում:

2019 թվականի հոկտեմբերի 19-ին մասնաճյուղը համագործակցության հուշագիր է կնքել **«Շիրակի Մ. Նալբանդյանի անվան պետական համալսարան» հիմնադրամի** հետ: Հուշագրի նպատակն է կողմերի միջև կրթական և գիտահետազոտական ոլորտներում գործընկերային հարաբերությունների հաստատումը, համագործակցության ծրագրերի իրականացումը:

2019թ. հունիսին ձեռք բերված նախնական պայմանավորվածության համաձայն 2019 թ. դեկտեմբերի 2-ին մասնաճյուղը համագործակցության պայմանագիր է կնքել **Փրոջեքթ հարմոնի հայկական մասնաճյուղի** հետ, որի արդյունքում մասնաճյուղում ստեղծվել է «Ամերիկյան գրադարան և դասընթացի» կենտրոն: Կենտրոնում փետրվարի 17-ից մեկնարկվել է անգլերենի ուսուցման առաջին անվճար դասընթացը: Ամերիկյան կենտրոնի առկայությունը մեծ խթան է ուսանողների և աշխատակիցների օտար լեզվի իմացությունը զարգացնելու համար, պարբերաբար քննարկումների միջոցով օտար լեզվի խոսակցական ունակությունների զարգացման համար:

2019թ. դեկտեմբերի 24-ին համագործակցության հուշագիր է կնքվել մասնաճյուղի և Հայկական Կարմիր Խաչի ընկերություն Տավուշի մարզային մասնաճյուղի միջև:

Համագործակցության հիմնական ուղղություններն են.

- համատեղ ծրագրերի իրականացում, միջոցառումների կազմակերպում:
- ուսանողների պրակտիկաների կազմակերպում և անցկացում,
- ՀՀ Տավուշի մարզի միայնակ առավել խոցելի տարեցների, երեխաների ու երիտասարդների, անհայտ կորածների ընտանիքների, անապահով ընտանիքների, խոցելի համայնքների այցերի իրականացում,
- ծրագրերի իրականացմանն ուղղված երիտասարդների հավաքագրմանը, տեխնիկական միջոցների տրամադրմանը, տեղեկատվության տարածման աջակցում,
- բազմաբովանդակ համագործակցություն՝ միտված միջազգային մարդասիրական իրավունքի ոլորտում կրթության և հետազոտական գործունեության խթանմանը,
- ԵՊՀ ԻՄ ուսանողների և պրոֆեսորադասախոսական կազմի ներգրավվում միջազգային մարդասիրական իրավունքի հիմնախնդիրների քննարկմանը նվիրված միջոցառումներին,

Արտակարգ դրության պայմաններում ԱԿ բաժնի և Հայկական Կարմիր Խաչի ընկերություն Տավուշի մարզային մասնաճյուղի համագործակցությամբ իրականացվել են կամավորական աշխատանքներ, կատարվել են Տավուշի մարզի մի շարք սահմանամերձ գյուղեր, միայնակ ծերերին տրամադրվել են անհրաժեշտ սոցիալական օգնություն:

Հաշվետու ժամանակահատվածում համագործակցության հուշագիր է ստորագրվել մասնաճյուղի և ՀՀ Կենտրոնական բանկի Դիլիջանի ուսումնահետազոտական կենտրոնի միջև: Համագործակցության նպատակն է.

- ներգրավել Կենտրոնի մասնագետներին ԵՊՀ ԻՄ տնտեսագիտական ֆակուլտետում մասնագիտական դասընթացների դասավանդմանը,
- տրամադրել մեթոդական, տեղեկատվական և խորհրդատվական աջակցություն սույն հուշագրի շրջանակներում իրականացվող ծրագրերում,
- Ներառել ԵՊՀ ԻՄ ուսանողներին իրենց կադրային բազայում,

- ԵՊՀ ԻՄ տնտեսագիտական ֆակուլտետում պարբերաբար իրականացնել սեմինար-քննարկումներ տնտեսության արդի խնդիրների վերաբերյալ,
- իրականացնել «Ֆինանսներ» կրթական ծրագրի ըստ ոլորտի բենչմարքինգ, մոնիթորինգ և բարելավում,
- կազմակերպել ԵՊՀ ԻՄ տնտեսագիտության ֆակուլտետի ուսանողների մասնագիտական և լրացուցիչ պրակտիկաները:

Հաշվետու ժամանակահատվածում Մասնաճյուղը բավականին ընդլայնել է համագործակցությունը Իջևանի թիվ N գործառնախի հրամանատարության հետ, որի արդյունքում 2019թ. դեկտեմբերին մշակվեց համատեղ միջոցառումների պլան, որի հիմնական ուղղություններն են.

- Իրականացնել այցեր ՀՀ Տավուշի մարզի սոցիալական ծանր վիճակում գտնվող ազատամարտիկների ընտանիքներ:
- Կազմակերպել միջոցառումներ, ուղղված ՀՀ Տավուշի մարզի բնակչության ռազմահայրենասիրական ոգու բարձրացմանը:
- Իրականացնել այցեր Տավուշի մարզի տարբեր գործառնախներ:

Համագործակցության արդյունքում 2019 թվականի դեկտեմբերի 24-ին ՀՀ ՊՆ N գործառնախի հետ համատեղ տեղի ունեցավ առաջին միջոցառումը՝ «Կրակային պատրաստվածություն», որի արդյունքում Մասնաճյուղից թվով 130 մասնակից՝ ուսանողներ, դասախոսներ և վարչական աշխատողներ, մասնակցեցին «Կրակային պատրաստվածություն» միջոցառմանը:

Հաշվետու ժամանակահատվածում համագործակցության հուշագիր է կնքվել մասնաճյուղի և «Տավուշի տարածաշրջանային պետական քոլեջ» ՊՈԱԿ- միջև, որի նպատակն է համատեղ ուժերով նպաստել սոցիալական գործընկերության փոխադրեցության շրջանակներում պատրաստելու և վերապատրաստելու միջին օղակի մասնագետներին նախնական /արհեստագործական/ և միջին մասնագիտական կրթական ծրագրերով՝ ոլորտի և աշխատաշուկայի պահանջներին համապատասխան:

04.04.2019թ. մասնաճյուղ և Հայաստանի Առաքելական Սուրբ Եկեղեցու Տավուշի թեմի միջև կնքված պայմանագրի համաձայն 2020թ. սեպտեմբերից հինգ ամիս տևողությամբ Տավուշի թեմի կողմից տրամադրվել է յուրաքանչյուր ամիս 10.000-ական դրամ առավել հասարակական ակտիվություն ցուցաբերած ուղանողի, որի ընտրությունը կատարվել է ԵՊՀ ԻՄ-ի ՈԻԽ նախագահության կողմից: Պայմանավորվածության համաձայն 2020թ. սեպտեմբերից վերոնշյալ պայմանագիրը կվերակնքվի: Արտակարգ դրության պայմաններում համագործակցությունը ևս շարունակվել է Հայաստանի Առաքելական Սուրբ Եկեղեցու Տավուշի թեմի հետ, որի արդյունքում ս/թ ապրիլի 11-ին ԱԿ բաժինը միացավ Տավուշի թեմի «Մենք հանձնառու ենք, մենք հաղթելու ենք» նախաձեռնությանը, ինչպես նաև փաթեթների պատրաստման և կամավորական աշխատանքերին:

01.04.2019թ. մասնաճյուղ և Իջևանի համայնքապետարանի միջև կնքված պայմանագրի համաձայն 2020թ. սեպտեմբերից հինգ ամիս տևողությամբ, յուրաքանչյուր ամիս 10.000դր. <<Իջևան>> քաղաքի անվանական կրթաթոշակ է տրամադրվել վերջին 3 կիսամյակում անընդմեջ գերազանց առաջադիմություն ցուցաբերած ուսանողի: Պայմանավորվածության համաձայն 2020թ. սեպտեմբերից տաս ամիս տևողությամբ կտրամադրվի <<Իջևան>> քաղաքի անվանական կրթաթոշակը, նույն սկզբունքների համաձայն:

01.07.2019թ. նյութական օգնություն ցուցաբերելու մասին պայմանագրի համաձայն 2020թ. սեպտեմբերին Ն. Ղալթախյանի կողմից տրամադրվել է միանվագ 50.000 դրամ օգնություն Հեռակա ուսուցման բաժնի ծանր սոցիալական վիճակում գտնվող ուսանողի:

Մասնաճյուղի և <<Մաշտոց>> հիմնադրամի միջև կնքված հուշագրի արդյունքում հաշվետու ժամանակահատվածում թվով 25 ուսանողեր ստացել են 100 հազարական դրամ ուսման վճարի փոխհատուցում: Նախնական պայմանավորվածության համաձայն 2020թ. սեպտեմբերից հավանական է 25 ուսանողների թիվ դառնալ 50 ուսանող:

2019-20 ուստարվա ընթացքում ԱԿ բաժինը ջանք չի խնայել էլ ավելի ընդլայնելու համագործակցությունը Հայ օգնության ֆոնդի հետ:

Հաշվետու ժամանակահատվածում մասնաճյուղից 7 ուսանողներ ՀՕՖ-ի Մաթևոսյան կրթվճար ծրագրի շրջանակներում տրամադրվել է ուսման վճարի ամբողջական փոխհատուցում: ՀՕՖ-ի մեկ այլ ծրագրով Հինդյան անվան կրթվճար ծրագրով ներառված 14 ուսանողների տրամադրվել է ուսման վճարի ամբողջական և մասնակի փոխհատուցում:

Ուրախալի է, որ ՀՕՖ-ը ընդլայնում է ուսանողներին աջակցելու ծրագրերը, որի վառ օրինակն է Հայ օգնության ֆոնդի Հայաստանի մասնաճյուղի կողմից <<Անուշ Մաթևոսյան կրթվճար>> ծրագրի մրցույթ, 2020-2021 ուսումնական տարում ՀՀ պետական բուհեր ընդունվող ուսանողների համար: Այդ բուհերի ցանկի մեջ ներառված է նաև ԵՊՀ Իջևանի մասնաճյուղը:

2020-2021թթ. ուստարվա համար Հայ կրթական հիմնարկությունը հայտարարել է վճարովի համակարգում սովորող ուսանողների համար կրթաթոշակներ ուսման վարձի չափով:

Մասնաճյուղում շարունակում է իր գործունեությունը Ջինիշյան հիշատակի հիմնադրամի <<Քաղաքացիական երկխոսություն և գործնական քայլեր փոփոխության համար>> ծրագիրը, որի նպատակն է ուսանողների համար կազմակերպել ունակությունների զարգացման տարաբնույթ դասընթացներ:

Մասնաճյուղում շարունակում է իր գործունեությունը ծավալել Խաղախության կորպուսը իր կամավորի միջոցով, որի նպատակն է զարգացնել պրոֆեսորադասախոսական անձնակազմի և ուսանողների անգլերենի խոսակցական մակարդակը:

Հաշվետու ժամանակահատվածի համար որպես թերացում կարող ենք նշել միջազային պայմանագրերի, ծրագրերի, ուսանողների և դասախոսների փոխանակման ծրագրերի բացակայություն: Այդ բացթողումն ունի օբյեկտիվ պատճառ, քանի որ հանդիսանալով Մայր բուհի մասնաճյուղ իրավական առումով մասնաճյուղը առանձին պայմանագրերի կնքման իրավունք չունի:

2019թ. նոյմբերի 5-ին ԱԿ բաժնի վարիչ **Ա. Եզանյանը** հանդիպում է ունեցել ԵՊՀ Միջազգային համագործակցության և հասարակայնության հետ կապերի գծով պրոռեկտոր **Ա. Իսրայելյանի** հետ: Քննարկելով վերոնշյալ օբյեկտիվ բացը ձեռք է բերվել համաձայնություն, որ Մայր բուհում առկա բոլոր ծրագրերից, որը համահունչ

է մասնաճյուղի հնարավորությանը կարող են օգտվել և մասնաճյուղի պրոֆեսորդասախոսական անձնակազմը և ուսանողները: Պայմանավորվածության համաձայն նմանատիպ ծրագրերի ինֆորմացիան ուղարկվել ԱԿ բաժնի էլեյտրոնային հասցեին: **Ա. Իսրայելյանի** առաջարկով քննարկում եղավ նաև Մասնաճյուղում չինարեն լեզվի կենտրոնի բացման շուրջ, որը ցավոք համավարակի պայմաններում փոքր ինչ ձգձգվում է:

Մմփոփելով հաշվետու ժամանակահատվածը ԵՊՀ ԻՄ-ի Արտաքին կապերի բաժնի կողմից խորին շնորհակալություն ենք հայտնում Տավուշի թեմին, պետական ոչ պետական կառույցներին, Իջևանի N գորամասին, ուսումնական հաստատություններին, հիմնադրամներին, Հ/Կ ոլորտի ներկայացուցիչներին, անհատներին և բոլորին արդյունավետ համագործակցության համար: Համագործակցությունը լինելու է շարունակական և էլ ավելի ընդլայնված: